

Gielddaráđdehus**Áigi** 28.11.2022 dmu 10:00**Báiki** Hybridačoahkkín, gielddadálu váldostivrasále dahje Teams-heivehus**Čoahkkináššit**

Ášši	Bajilčála	Siidu
179	Čoahkkima lágalašvuohta ja mearridanváldi	3
180	Beavdegirjedárkkisteaddjiid válljen	4
181	Čoahkkima bargoortnega dohkkeheapmi	5
182	Dili birra oanehaččat	6
183	Gávpenannejeaddji giddodatluohpadanalmmuhusat ja gieldda ovdaoastinvuoigatvuođa geavaheapmi	7
184	Váldostivrra 27.10.2022 čoahkkima ollašuhttin	8
185	Gáregasnjárgga sajádatlávvaplánema bargojovkku lahtu nammadeapmi	9
186	Gieldastrategiija válmmaštallanproseassa	11
187	Eanapolitihkalaš prográmma bargojovkku nammadeapmi	12
188	House of Lapland Lappi oktasašmárkanastimii oassálastin jagis 2023	14
189	Nammadanbivdda Lappi Helmi-oktasašbargojovkui	17
190	Lahtu nammadeapmi birassuodjalanmearrádusaid gárvvisteami bargojovkui	18
191	Ohcejoga gieldda biebmobálvalusaid ordnen 1.1.2023	19
192	Jagi 2023 válggaid jienastanguovlluid válgabeaivvi jienastanbáikki	25
193	Riikkabeaiválggaid ovdajienastanbáikkiid meari, sajádaga ja rabasáiggiid mearrideapmi	26
194	Bušeahtta jahkái 2023 ja ekonomiiaplánat jagiide 2024-2025	28
195	Ohcejoga gieldda hálddahusnuolggadusa ođasmahttin	31
196	Ruhtadili birra oanehaččat	33
197	Doaibmaorgánaid mearrádusat	34
198	Áššit diehtun	35

Beavdegirji dollojuvvo albmosis 05.12.2022

Dát čoahkkínbovdehus lea biddjon almmolaš gulahusaid almmuhantávvalii 22.11.2022

Väinö Guttorm
ságadoalli

Oasseváldit

	Namma	Bargu	Lassedieđut
Mielde	Guttorm Väinö	Ságadoalli	
	Länsman Vesa	Várreságadoalli	
	Kordelin Marjatta	Lahttu	
	Pohjanrinne Arto	Lahttu	
	Niittyvuopio-Valle Laura	Lahttu	
	Holmberg Aslak	Lahttu	
	Ahlakorpi Anni	Lahttu	
	Konttinen Pirjo	Várrelahttu	
	Guttorm Urho	Várrelahttu	
	Hekkanen Eemeli	Várrelahttu	
	Porsanger Veikko	Várrelahttu	
	Jaatinen Eeva	Várrelahttu	
	Rasmussen Riikka	Várrelahttu	
	Tapiola Ilmari	Várrelahttu	
	Pieski Taina	Gielddahoavda, áššemeannudeaddji	
	Länsman Marja	Beavdegirjedoalli	
	Aikio Maria Sofia	Dulka	

179

Čoahkkima lágalašvuohta ja mearridanváldi

Gr

Gávnnahuvvo, ahte čoahkkin lea lágalaččat čoahkkái bovdejuvvon ja mearridanválddáš.

Mearrádus:

180

Beavdegirjedárkkisteaddjiid válljen

Gr

Válljet čoahkkimii guokte beavdegirjedárkkisteaddji.

Mearrádus:

181

Čoahkkima bargoortnega dohkkeheapmi

Gr

Evttohus:

Gielddaráđdehus dohkkeha áššiid gieđahallanortnega čoahkkima evttohuslisttá mielde.

Mearrádus:

182

Dili birra oanehaččat

Gr

Gielddahoavda muitala áigeguovdilis áššiid birra oanehaččat.

Evttohus:

Merkejuvvo diehtun.

Mearrádus:

183

Gávpenannejeaddji giddodatluohpadanalmmuhusat ja gieldda ovdaoastinvuoigatvuoda geavaheapmi

Gr

Gildii leat boahtán 8 st gávpenannejeaddji giddodatluohpadanalmmuhusat, listá giddodatluohpadanalmmuhusain lea lassemateriálan. Giddodatluohpadanalmmuhusat leat oppalohkái oaidninláhkai čoahkkimis.

Ovdaoastinlága mielde ovdaoastinvuoigatvuoda geavahettiin mearrádussii ožžot oasti ja vuovdi ohcat nuppástusa váidimiin hálddahušiektái.

Gieldda mearrádussii leat geavatkeahtá ovdaoastinvuoigatvuoda ii oaččo ohcat nuppástusa váidimiin.

Evttohus:

Gielddaráđđehus merke diehtun gávpenannejeaddji giddodatluohpadanalmmuhusaid ja mearrida, ahte gielda ii geavat ovdaoastinvuoigatvuoda gávppi vuloš báikkiide.

Mearrádus:

184

Váldostivrra 27.10.2022 čoahkkima ollašuhttin

16/00.02.00/2022

Gr

Gieldalága mielde gielddaráđđehus vástida váldostivrra mearrádusaid lágalašvuoda bearráigeahčus.

Jos gielddaráđđehus oaidná, ahte váldostivrra mearrádus lea dahkkon boastto ortnegis dahje manná váldostivrra doaibmaválddi badjel dahje muđui lea lága vuostá, gielddaráđđehus berre guoddit mearrádusa ollašuitekeahtá. Ášši galgá dalán bidjat váldostivrii ođđasit giedahallamii.

Čuovusin váldostivrra čoahkkima áššelistu. Váldostivrra mearrádusat leamašan oaidninláhka 4.11.2022.

Evttohus:

Gielddaráđđehus gávnna, ahte váldostivrra mearrádusat leat lágalaččat ja ollašuhhtingelbbolaččat. Gielddaráđđehus čadaha ollašuhhtima.

Mearrádus:

Čuvvosat

Čuovus Váldostivrra 27102022 bovdehus
1

Gielddaráđđehus
Gielddaráđđehus

§ 123

05.11.2020
28.11.2022

185

Gáregasnjárgga sajádatlávvaplánema bargojoavkku lahtu nammadeapmi

94/10.02.03/2020

Gr 05.11.2020 § 123

Lávvaplánenbargojoavku mearridii evttohit 14.10.2020 gielddaráđđehussii Gáregasnjárgga guovddáža sajádatláva johtuibidjama. Čuovusin leat sajádatlávvaplánema vuloš guovllu guovloráddjen ja johtuibidjanalmmuhus. Guovllu viidodat lea sullii 170 hektára. Lávvaplánenbargojoavku evttohii, ahte guorahallo viiddidit sajádatlávvaplánema vuloš guovllu boares Gáregasnjárgga rádjai. Lassin lávvaplánenbargojoavku evttohii, ahte gielddaráđđehus nammada lávvaplánenbargojoavkku.

Evttohus:

Gielddaráđđehus evttoha, ahte sajádatlávvaplánema vuloš guovllu guovloráddjen lea čuvvosa mieldásaš. Opšuvdnan váldojuvvo mielde guovllu viiddideapmi boares Gáregasnjárgga rádjai.

Gielddaráđđehus nammada čoahkkimisttis lávvaplánenbargojoavkku.

Mearrádus:

Vd. giddodathoavda Markku Porsanger ovdanbuvttii ášši gielddaráđdehusa lahtuide.

Evttohus dohkkehuvvui.

Gielddaráđđehus mearridii, ahte lávvaplánenbargojoavkun doaibmá gielddaráđđehus. Lassin bargojovkui nammaduvvojit Arto Pohjanrinne, Terttu Manninen ja Antti Katekeetta.

Gr

Gáregasnjárgga sajádatlávvaplánema lávvabargojovkui leat nammaduvvon lávvabargojoavkku lassin golbma Gáregasnjárggas orru olbmo; Arto Pohjanrinne, Terttu Manninen ja Antti Katekeetta.

Evttohus:

Gielddaráđđehus nammada lávvabargojovkui ođđa lahtu Antti Katekeetta sadjái.

Mearrádus:

Ohcejoga gielda

Evttohuslistu

12/2022

10

Gielddaráđdehus

§ 123

05.11.2020

Gielddaráđdehus

28.11.2022

Juohkin

Nammaduvvon lahttu

186

Gieldastrategiija válmmaštallanproseassa

144/00.01.02/2016

Gr

Giieldaláhka mearrida gielddaid ođasmahttit strategiija oktii váldostivrabajis. Ohcejoga gieldda fámus orru strategiija lea dohkkehuvvon váldostivrras 2017.

Deanu luossabivdogildosa dagahan fáhkkes ráhkadusnuppástus, COVID-19 pandemii ja váikkuhusat guovllu rádjagávpái ja turismii sihke manimužžan Ukraina soađi dagahan energiijakriisa leat čuohcan dasa, ahte ekonomalaš doaimmalašvuoda lea váttis einnostit. Dasa lassin HVA-ođastus rievdata gielddaid rolla ja ovddasvástádusaid. Dát ovttas deattuhit eallinfámu ovddideami mearkkašumi gielddas. Nuba dál lea erenomáš buorre áigi ođasmahttit dán váldostivrabadjái gieldastrategiija. Strategiijabargu vuodđuduvvá gieldalaččaid oasálašvuhtii. Gilieahkedat ordnejuvvojit juovla- ja ođđajagimánus buot golmma gilis. Dán lassin ordnejuvvojit oasálašvuodaovddidandilálašvuodát ealáhushárjeheadjiide, luohttámušolbmuid ja gieldda bargiide. Lassin gullat ahkeolbmuid ja nuoraid. Oasálašvuodaovddidandilálašvuodain váldojit vuhtii maid eanapolitihkalaš prográmma (mii lea seamma áigge válmmaštallama vuolde) temát ja čoggojuvvojit gieldalaččain oainnut dan válmmaštallama doarjjan.

Strategiija válmmaštallan gullá guovddášhálddahusa ja eallinfápmodoaibmasuorggi koordinašuvdnaovddasvástádussii. Ulbmilin lea, ahte gieldastrategiija lea geassemánu 2023 gieldda váldostivrras dohkkeheami vuolde.

Evttohus:

Giieldaráđđehus merke válmmaštallama diehtun.

Mearrádus:

187

Eanapolitihkalaš prográmma bargojavkku nammadeapmi

32/10.00.00/2020

Gr

Eanapolitihkalaš prográmma lea gielddaid bargoneavvu meroštallat eanapolitihkalaš ulbmiliid ja prinsihpaid. Eanapolitihkalaš prográmma lea váldostivrra dohkkehan áššegirji. Eanapolitihkalaš prográmma birra lea rávvejuvvon, ahte dan galggašii mannat čađa ja dárbbu mielde dárkkistit juohke váldostivrabajis dahje jos gieldda guovddáš ulbmiliin dáhpuhuvvet mearkkašahtti nuppástusat.

Eanapolitihkalaš prográmma vuodđuduvvá Ohcejoga gielldastrategiijai. Prográmma okta guovddáš ulbmil lea profileret iežas gieldan, gos lea alladásat ja plánavuloš servodatráhkadus. Eanapolitihkka berre ovddidit Ohcejoga ovdáneami sosiálalaččat suvdilit ja dássettolaččat sihke váldit vuhtii biras- ja dálkkádatpolitihka ulbmiliid. Eanapolitihkka doallá sisttis gieldda doaimmaid, mat laktásit eanaháhkamii, lávvabargui, eanaluohpadeapmái ja haddemeroštallamii, sierralágan eanageavaheapmái guoski soahpamušaid gárvvisteapmái, eanahálldašeapmái sihke sajádatlávaidda ollašuvvama ovddideapmái. Strategalaš eanapolitihkka doarju eanageavaheami perspektiivvas geahčadettiin sierra ealáhusaid ovdáneami ja báldalagaid eallima.

Teknikkalaš lávdegoddi lea 11.10.2022 čoahkkimis mearridan, ahte Ohcejoga gildii gárvvistuvvo eanapolitihkalaš prográmma ja ahte teknikkalaš lávdegoddi gilvalahtta konsultta válmmaštallat barggu.

Gielddas lea álgimin gielldastrategiija ođasmahttin. Guktot áššegirjiit bohtet stivret gieldda eanageavaheami. Gielldastrategiija válmmaštallamis besset gieldalaččat leat mielde. Seamma oasášvuodaovddidandilášvuodain bohtet čoaggit gieldalaččain oainnuid maid eanageavaheami gažaldagain. Áššegirjiid ovttáigásaš válmmaštallan veahkeha juksat eanageavaheami gažaldagain strategalaš čavde oppalašvuoda. Ulbmilin lea, ahte guktot áššegirjiit livčče gieldda váldostivrra gieđahallamis geassemánu 2023 čoahkkimis.

Gieldda váldostivrra čoahkkimis 27.10.2022 evttohuvvui, ahte gielddaráđdehus galggašii válljet luohttámušolbmui ja virgehálldašeaddjiin čohkkejuvvon bargojavkku jođihit eanapolitihkalaš prográmma gárvvisteami.

Evttohus:

Gielddaráđdehus nammada eanapolitihkalaš prográmma bargojavkku ja bargojovkui ságadoalli. Bargojavku boahdá doaibmat eanapolitihkalaš prográmma gárvvisteami stivrenjoavkun.

Mearrádus:

Juohkin

Teknikkalaš lávdegoddi
Nammaduvvon lahtut

Eallinfápmolávdegoddi
Gielddaráðdehus

§ 88

10.11.2022
28.11.2022

188

House of Lapland Lappi oktasašmárkanastimii oassálastin jagis 2023

Eallfig § 88

House of Lapland Oy lea Lappi márkanastin- ja gulahallandállu. Dat fuolaha das, ahte Lappi oidno, gullo ja geasuha mátkebáikin, ássanbáikin, govvenbáikin ja bisnesbirasin. House of Lapland fállá iežas oktasašbargoguimmiide kanálaid beaktilis márkanastimii ja gulahallamii sihke beroštahti oktavuodaid huksemii. Ohcejoga gielda leamašan House of Lapland oktasašbargoguoibmin jagiin 2015-2022.

House of Lapland Oy lea ovddidanfitnodatsearvi, mii ii háhpohala vuoittu ja man oamasteaddjit leat Rovaniemen Kehitys Oy, Elinkeinot & kehitys Nordica/Anára gielda, Nuorta-Lappi gieldaovttastupmi, Gihttela gielda, Lapin ammatti-korkeakoulu Oy, Lapin yliopistosäätiö, Meri-Lapin kehittämiskeskus ry, Pello gielda, Ranua gielda, Posion Kehitysyhtiö Oy, Soađegili gielda, Tunturi-Lapin Kehitys ry, Ohcejoga gielda ja Badjedurdnosa gielda.

Fitnodatsearvi ortnega mielde House of Lapland mihttomearrin lea ovddidit Lappi oinnolašvuoda ja geasuhahttivuoda márkanastima ja gulahallama vugiiguin álbmotlaččat ja riikkaidgaskasaččat Lappi dáfus dehálaš čanusjoavkkuid gaskavuodas. Fitnodatsearvi ovddida ássiid, ođđa fitnodagaid, turistaid ja govvenbuvttademiid oažžuma Lappi guvlui sihke fállá oktasašbargoguimmiide kanála beaktilis gulahallamii ja brándihálddašeapmái.

Lappi oktasaš márkanastin- ja gulahallandállu, House of Lapland strategiija ja doaibmamálla lea ođasmahttima vuolde. Lappi lihtu ordnen brándi-bargobájis geassemánus 2022 Lappi gielddat ja eará čanusjoavkkut adde viiddis doarjaga brándimárkanastima nuppástussii. Márkanastima ja gulahallama váikkuhanmuni lasiheami várás huksejuvvo ođđalágan oktasašbargu ja synergiija gielddaiguin, oamasteaddjioassebeliiguin ja eará čanusjoavkkuiguin. Turismamárkanastima báldii lea boahtimin nannosit ámmátolmmošmárkanastin, go Lappi gielddat eai fidne doarvái čeahpes bargofámu. Brándimárkanastima ođasmahttima ja House of Lapland ođđa doaibmamálla leat ovdanbuktán maid Lappi gielda- ja guovloovddidanbeivviin čakčamánus.

Nuppástus ollašuvvá guovtti muttus:

1. Bálvallussoahpamušaid dahkan buot Lappi gielddaiguin House of Lapland vuodđoruhtadeamis jahkái 2023 (golgotmánnu 2022)
2. Ođđa doaibmamálla huksen brándibeavddi čoahkkanemiid bokte (8.11.2022 rájes). Brándibeavddis sohpet Lappi

oktasašmárkanastima deattuhusain, doaibmabijuin, ovttasbarggus, rollain sihke doaibmabijuid resurssain ja ruhtadeamis.

House of Lapland bivdá gielddaid oassálastit House of Lapland doibmii ja vuodđoruhtadeapmái jagis 2023 bálvalussoahpamuša mielde. Bálvalussoahpamuša guovddášulbmil lea ođđa doaibmamálla huksemis, sihke dárbbášlaš resurssaid ja ráhkadusa dorvvasteamis. Doaibma rievdá dan mielde, maid doaibmabijuid ieš márkanastima ollašuvvamii plánejit brándibeavdebargama bokte. Vuodđoruhtadanossodagat juohkásit gielddaid olmмоšlogu vuodul. Bálvalussoahpamušvuodđu lea seamma buot gielddaide ja jos dat dohkkehuvvo, de soahpamuš dievasmahtto gažaldatvuloš gieldda dieđuiguin ja máksoossodagain. Ohcejoga gieldda máksoossodat vuodđoruhtadeapmái jagis 2023 lea 2450 euro.

Guoibmevuolta ollašuhtá gieldestategiija ulbmila gieldda eallinfámu nannemis sihke turismaealáhusaid ovddideamis.

Evttohus:

Ohcejoga gielda joatká oktasašbarggu House of Laplandii ja fápmuda gielddahoavdda vuolláičállit ođđa bálvalussoahpamuša jahkái 2023. Bušeahttavárren evttohuvvo ráđđehussii ja váldostivrii jagi 2023 bušeahttagiedahallama oktavuodas. Ohcejoga gielda čatnasa 2450 euro vuodđoruhtadeami máksoossodahkii. Gieldda máksoossodat váldojuvvo mielde eallinfápmodoaibmasuorggi bušeahttaevttohussii jahkái 2023.

Mearrádus:

Dohkkehuvvui evttohusa mielde.

Gr

Evttohus:

Ohcejoga gielda joatká oktasašbarggu House of Laplandiin ja fápmuda gielddahoavdda vuolláičállit ođđa bálvalussoahpamuša jahkái 2023. Bušeahttavárren ovdanbuktojuvvo ráđđehussii ja váldostivrii jagi 2023 bušeahttagiedahallama oktavuodas. Ohcejoga gielda čatnasa 2450,00 € vuodđoruhtadeami máksooassái. Gieldda máksooassi váldojuvvo mielde eallinfápmodoaibmasuorggi bušeahttaevttohussii jahkái 2023.

Mearrádus:

Eallinfápmolávdegoddi
Gielddaráðdehus

§ 88

10.11.2022
28.11.2022

Juohkin

House of Lapland
Eallinfápmolávdegoddi

189

Nammadanbivdda Lappi Helmi-oktasašbargojovkui

74/00.04.00/2022

Gr

Helmi-eallinbirasprográmma 2021–2030 lea birasministeriija ja eana- ja vuovdedoalloministeriija oktasaš prográmma, man ollašuhttet ovtta ministeriijaid hálldahussurggiid organisašuvnnat. Prográmma ollašuhttimii oassálastet viidát eará doaibmit, nugo gielddat, organisašuvnnat, searvvit, báikkálašovttastusat sihke biras- ja vuovdesuorggi eará doaibmit. Doaimmaid dahket sihke suodjalanguovlluin ja daid olggobealde. Prográmma doaimmat vuodduuvvet eanaeaiggádiid eaktodáhtolašvuhtii.

Helmi-prográmma váldoulbmilin lea nannet Suoma luonddu mánggahámatvuoda ja buoridit eallinbirrasiid dili suodjalemiin ja ovdeštemiin jekkiid, ordnemiin ja dikšumiin loddečáziid, árbevirolaš biotohpaid ja vuvddiid eallinbirrasiid sihke smávvačáziid ja gáddeluonddu. Ulbmilin lea maid ovddidit ekosystemabálvalusaid, čáziidsuodjaleami ja činačatnama sihke dálkkádatnuppástussii vuogáiduvvama. Helmi-prográmma lea guovddáš doaibmabidjoollisvuohta Suoma luonddu mánggahámatvuoda fuotnáneami bisseheamis.

Lappi ELY-guovddáš bivdá juohkinlisttus máinnašuvvon oassebeliid nammadit lahtu ja várrelahtu vuodduvuloš Lappi guovlluguovdasaš oktasašbargojovkui. Evttohusaid bivdet doaimmahit Lappi ELY-guovddáša girjenkantuvrii 25.11.2022 rádjai.

Evttohus:

Gielddaráđdehus nammada eallinfápmohoavda Tanja Lepistö fásta lahttun Lappi Helmi- oktasašbargojovkui. Gielddaráđdehus nammada várrelahtu oktasašbargojovkui.

Mearrádus:

Juohkin

Lappi ELY-guovddáš
Nammaduvvon lahtut

190

Lahtu nammadeapmi birassuodjalanmearrádusaid gárvvisteami bargojovkui

30/00.04.02/2020

Gr

Árktalaš Lappi birasjuogus (Arktisen Lapin ympäristöjaosto) lea 12.10.2022 § 31 evttohan birassuodjaleami doaibmaguovllu gielddaide, ahte dat nammadit lahtuideaset (1–2 olbmo) birassuodjalanmearrádusaid gárvvisteami bargojovkui 31.1.2023 rádjai. Bargojoavkkus lea oaivil čoahkkanit vuosttas geardde jagi 2023 gidđadálvve.

Evttohus:

Gielddaráđdehus nammada eallinfápmohoavda Tanja Lepistö gieldda ovddasteaddjin Árktalaš Lappi birassuodjalanmearrádusaid gárvvisteami bargojovkui.

Mearrádus:

Juohkin

Árktalaš Lappi birassuodjaleapmi
Nammaduvvon lahttu

Gielddaráđdehus	§ 8	17.01.2022
Gielddaráđdehus	§ 168	17.10.2022
Váldostivra	§ 54	27.10.2022
Gielddaráđdehus		28.11.2022

191

Ohcejoga gieldda biebmobálvalusaid ordnen 1.1.2023

75/00.04.02/2021

Gr 17.01.2022 § 8

Lappi buresveadjinguovllu gaskaboddosaš doaibmaorgána bivdá Ohcejoga gieldda bealiváldima buresveadjinguovllu biebmobálvalusaid ordnemii.

Lappi buresveadjinguovlu álggaha doaimmas 1.1.2023. Buresveadjinguovlu galgá ordnet sierralágan doarjjabálvalusaid oassin sosiála- ja dearvasvuodabálvalusaid. Biebmofoolahusa bálvalusat fállujuvvojit áššehasaide/pasieanttaide sierra bálvalanovttadagain, mat leat buohcceviesut, dearvasvuodaguovddážat ja ássanbálvalusovttadagat. Lassin biebmofoolahusa bálvalusaid fáallet ruoktot omd. ruoktobálvalusa áššehasaide.

Háhkkanláhka ii atte vejolašvuoda dasa, ahte ovdamearkka dihte gieldda guovddášgievkkán buvttadivččii biebmofoolahusa bálvalusaid sihke gieldda ja buresveadjinguovllu bálvalusovttadagaide. Boahhtevaš bálvalusaid ordnemis leat gávnnavuvvon muhtun váldomolssaeavttut sihke daid áitagat ja vejolašvuodát.

1) Gieldda buvttada dárbbášlaš biebmobálvalusaid (skuvllat, beaiveruovttut) iežas bálvalussan dahje eará láhkai omd. gilvalahttimiin bálvalusaid.

Iežas buvttadeapmi lea sorjjasmeahttun eará doaibmiin. Buot čovdosat leat iežas gieđain. Áittan lea ovttadathattiid loktaneapmi, go buvttadanmearit geahppánit. Geavadis biebmobálvalusaid doaimma gártá dán molssaeavttus geahpedit vuolimus mearrái geassemánotbajiid áigái ja dain sáhttet čuovvut bargoveahkaváikkahusat.

Ohcejoga dáfus

- Ohcejohnjálmmi skuvlla bálvalangievkkana rievdadeapmi biebmoráhkadangievkkánin
 - Válmmaštanmearit geahppánit sullii 30 %, ja das čuovvu máleshatti loktaneapmi
 - Bargoveaga dárbu lassána (Ohcejohnjálmmi skuvlla biebmoráhkadangievkkán)
-

Gielddaráđdehus	§ 8	17.01.2022
Gielddaráđdehus	§ 168	17.10.2022
Váldostivra	§ 54	27.10.2022
Gielddaráđdehus		28.11.2022

- Gáregasnjárgga ja Njuorggáma skuvlla biebmoráhkadangievkkanat eai sáhte vuovdit buresveadjinguvlui biebmobálvalusa

2) Buresveadjinguovlu buvttada dárbbaslaš biebmobálvalusaid (sode) iežas buvttadeapmin dahje eará láhkai.

Buresveadjinguovllu dáfus biebmobálvalusaid ordnen duššefal iežas bálvalussan livččii hui hástaleaddji, jos doaibma berre leat jođus 1.1.2023. Stuorámus hástalusat bohtet sadjegažaldagain, mášeniin, rusttegiin ja bargiin. Buresveadjinguovlu sáhtta maid gilvalahttit dárbbaslaš bálvalusaid márkaniin. Gilvalahttima loahppaboáđus sáhtášii leat hui mánggalágan. Stuorámus čuožahagat beroštahttet eanemus, uhcimusaide ii vealttakeahtta oččoše fálddagaid ollege.

Ohcejoga dáfus

- Ohcejoga rabasbálvalanguovddášgievkan ráhkada dušše sodebálvalussii mállásiid.

- Mo Gáregasnjárgga ja Njuorggáma boarrásiid mállásat?

3) Gielddat ja buresveadjinguovlu vuodđudit oktasaš čanusovttadaga, ovdamearkka dihte oasussearvi, mii buvttada bálvalusaid gielddaide, oastá dárbbu mielde bálvalusaid gielddain, buvttada bálvalusaid buresveadjinguvlui ja oastá dárbbu mielde bálvalusaid buresveadjinguovllus (ng. in-house čanusovttadat).

Oktasaš čanusovttadat, ovdamearkka dihte oasussearvi, attášii vejolašvuoda geavahit dálá resurssaid maidái dás ovddos. Geavadis biebmobálvalusat sirdojuvvošedje firpmáluohpademiin omd. oasussearvi doaibman ja dat joatkašuvvošedje ovddit resurssaid veagas. Gielda ja buresveadjinguovlu oastášedje bálvalusa čanusovttadagas ja čanusovttadat iežas dárbbas bálvalusaid gielddain dahje buresveadjinguovllus. Čanusovttadaga buohta mearkkašahhti gažaldat lea dat, mo smávimus gielddaid váikkuhanválddi sáhtta duohtavuodas dáhkidit čanusovttadatsajadaga gáibádusaid mielde.

Ohcejoga dáfus

- Dálá bargoveahka ja buvttadansajit leat oktasaš anus
- Bálvalusat bastojuvvojit buvttadit buot čanusovttadaga eaiggáduššanáššehasaide, nappo gielddaide ja buresveadjinguvlui
- Dáhkiduvvo guvlui fuolahussihkkarvuotta
- Oktasašbarggu mearkkašupmi guovlluguovdasaččat stuorru (omd. háhkamat, ict)
- Hástalussan gávdnat oktasaš málle ja dan organiseren

Gielddaráđdehus	§ 8	17.01.2022
Gielddaráđdehus	§ 168	17.10.2022
Váldostivra	§ 54	27.10.2022
Gielddaráđdehus		28.11.2022

- In house fitnodatsearvi sáhtta vuovdit 5 % dahje 500 000 € fitnodatsearvi olggobeale doaibmiide málesbálvalusa
- Gáregasnjárgga ja Njuorggáma skuvlla biebmoráhkadangievkkanat sirdásit vuodđudanvuloš fitnodatsearvi
- Gáregasnjárgga skuvlla gievkkan sáhtta vuovdit gárvvásmuvvi ássanbálvalusovttadahkii málesbálvalusaid, jos buresveadjinguovlu lea dahkan bálvalansoahpamuša ássanbálvalusovttadagain.

4) Mii nu eará molssaeaktu

Eará molssaeaktu sáhtta leat mii nu ovddit čuoggáid 1 - 3 kombinašuvdna omd. guovlluguovdasaš čanusovttadagat dahje eará guovlluguovdasaččat ráddjejuvnon čoavddus. Gielda sáhtta maid teorijas vuodđudit márkaniin doaibmi oasussearvi, mii sáhtášii oassálastit buresveadjinguovllu gilvalahttimiidda. Seammás gielda berre dákkár dilis rahpat iežas bálvalusdárbbuid márkanevttolaš gilvui.

Ohcejoga dáfus

- Gávpejohtu menddo uhcci iežas fitnodatsearvi vuodđudeapmái
- Biebmobálvalusat leat friija márkaniin

Evttohus:

Gielddaráđdehus mearrida evttohit ležas oaidnun, ahte Lappi buresveadjinguovlui vuodđuduvvo ng. inhouse -čanusovttadat buresveadjinguovllu biebmobálvalusaid ordnema oasil ja Ohcejohka searvá áiggi mielde dasa.

Ortnegiin sihkkarasto biebmobálvalusaid fitnašuvvan oppa gieldda guovllus buot áššehasjoavkkuide nu normáladiliin go spiehkastatdilis.

Osolašsoahpamuša gárvvisteamis váldojuvvo vuhtii guovlluviidosáš doaibmavuohki.

Mearrádus:

Evttohus dohkkehuvvui.

Gr 17.10.2022 § 168

Sode-ođastusas sosiála- ja dearvvasvuodabálvalusaid buvttadeami sirdásettiin buresveadjinguovlluid doaibman gielddat eai sáhte ieža buvttadit bálvalusaid buresveadjinguovlui, muhto doaimma ferte rievdadit fitnodatsearvin. Vuovdin buresveadjinguovlui lea doibmen

Gielddaráđdehus	§ 8	17.01.2022
Gielddaráđdehus	§ 168	17.10.2022
Váldostivra	§ 54	27.10.2022
Gielddaráđdehus		28.11.2022

márkaniin ja dan berre addit fitnodatsearvvi bargun. Go fas buresveadjinguovlui berre heivehit háhkanlága, go dat skáhppo bálvalusaid gieldda oamastan fitnodatsearvvis.

Ohcejoga gielddaráđdehus lea 17.1.2022 addán iežas oaivila Lappi Buresveadjinguovllu čielggadanbivdagii, ahte Ohcejoga gieldda málesbálvalusat sirdása buresveadjinguovllu ja gieldda oamastan fitnodatsearvái (in house) 1.1.2023.

Buresveadjinguovlu lea vuodđudan Lapin Ateriapalvelut Oy – nammasaš fitnodatsearvi 30.6.2022, man mihttomearrin lea doibmet doarjjabálvalusfitnodahkan, mii buvttada biebmobálvalusaid oasusoamasteaddjiidasas. Lapin Ateriapalvelut Oy vástida eaiggátgielddaid guovllu sode-áššehasaid sihke árrabajásgeassima ja skuvllaid mállásiin.

Lappi buresveadjinguovlu lea lahkona daid gielddaid, mat leat almmuhan gaskaboddasaš beroštumiset oktasaš in house fitnodatsearvái searvamis biebmobálvalusaid oasil. Dákkár gielddat leat Ohcejohka, Anár, Soađegilli, Suovvaguoika, Muonio, Eanodat, Kolari, Ylitornio ja Tervola. Buresveadjinguovlu lea válmmaštallan osolašsoahpamušhápmosa, oasusjuohkima eavttuid ja fitnodatsearveortnega, masa gielddain leat leamaš vejolaš addit iežaset oaivila.

Lappi Ateriapalvelut Oy osolašsoahpamušhápmosis evttohuvo, ahte Lapin Ateriapalvelut Oy oasusoamasteaddjivuodđu viiddiduvvo oasusjuohkimiin borge-čakčamánu 2022 nu ahte, fitnodatsearvvi loahpalaš oamastus livččii čuovvovaš. Lappi buresveadjinguovlu livččii 100 ossosa (50,3%) ja gielddat mat oasusoamasteaddjin 99 ossosa (49,7% olmmošlogu mielde). Stivrabáikkit 5 lahttui: Gielddain 2 lahtu ja Lappi Buresveadjinguovllus 3 lahtu ja ságajođiheaddji Lappi buresveadjinguovllu namaha stivra lahttu.

Dát evttohuvvon juohku ii heiven oamastanoasis mielde gielddaide, go gielddaid iešmearridanvuoigatvuođa vuodul gielddain berre seailut eanetlohku fitnodatsearvvis. Gielddat ain vástidit čuvgehusbálvalusaid ja árrabajásgeassima mállásiin. Gielddat adde áššis oktasaš cealkámuša (22.8.2022).

Gielddaid cealkámušas gielddaid evttohus lea, Lapin Ateriapalvelujen Oy oasusjuohkimii dákkár, Lappi buresveadjinguovlui 11%:a ja gielddaide 89 %:a oamastanoassodat, mas ossosat addojit gielddaide merkenláhka daid olmmošlogu mielde ja stivrabáikkit 6 fásta lahttui. Buresveadjinguovllus okta (1) stivrabáiki ja gielddain vihtta (5) stivrabáikki, main okta ságajođiheaddji báiki.

Gielddaráđdehus	§ 8	17.01.2022
Gielddaráđdehus	§ 168	17.10.2022
Váldostivra	§ 54	27.10.2022
Gielddaráđdehus		28.11.2022

Lappi buresveadjinguovllustivra dagai 14.9.2022 mearrádusa biebmobálvalusaid ordnemis Lappi buresveadjinguovllus. Mearrádusas ii váldojuvvon vuhtii gielddaid guođđin cealkámuš oamastusossodagas, muhto ossodagat bisso seammán. Dás lea čuvvon, ahte mánggat gielddat leat čielggadišgoahtán molssaevttolaš vuogi mo dikšut biebmobálvalusaid jagimolsaga maŋŋá. Maid Lappi buresveadjinguovlu velá geavvá dán áššis ráđđádallamiid gielddaiguin golggotmánu 2022 áigge. Áigetávval lea hui čavga. Gielddat berrejit almmuhit searvamis Lapin Ateriapalvelut fitnodatsearvái 31.10.2022 rádjai.

Soađegili gielddaráđdehus lea dahkan 12.9.2022 mearrádusa, ahte dat ii searvva fárrui Lapin Ateriapalvelut Oy nammasaš In-house fitnodatsearvái, muhto čielggada eará molssaeavttuid. Soađegili gielddaráđdehus lea mearridan vuodđudit 26.9.2022 Pohjois-Lapin Ruoka Oy nammasaš fitnodatsearvvi. Soađegilli lea jearran eará gielddaid beroštumi searvat fárrui oktasaš fitnodatsearvái, mii vuodđuduvvo.

Soahpamušhápmosis fitnodatsearvi lea Soađegili gieldda vuollefitnodatsearvi ja čuovvu ain Soađegili gieldda fámus orru konseardnarávvaga.

Pohjois-Lapin Ruoka fitnodatsearvvis lea unnimustá vihtta (5) lahtu. Soađegili gieldda vállje stivrii ovttá (1) lahtu ja osolažžan leat gielddat ja guđege buresveadjinguovlu vállje ovttá (1) lahtu. Osolaš gielddain sáhtta leat stivrras maid oktasaš ovddasteaddji. Stivrabadji lea guokte (2) jagi.

Ohcejoga gielddas leat guokte molssaeavttu biebmobálvalusaid ordnedeapmin 1.1.2023: Jogo searvat osolažžan Lapin Ateriapalvelut Oy fitnodatsearvái dahje searvat osolažžan PohjoisLapin Ruoka Oy fitnodatsearvái. ležas biebmobálvalusfitnodatsearvvi vuodđudeapmi ii leat Ohcejoga sturrosaš smávva gildii realisttalaš molssaeaktu.

Guovtti fitnodatsearvvi gaskasaš veardádallan lea dahkkon dálá dieđuid vuodul. Veardádallama dáfus ávkkálaš málesgoasttádusdieđut eai leat leamašan velá fidnemis. Veardádallamis deattuhuvvet oaidninvuogit, mat dorjot Ohcejoga gieldda váikkuhanvejolašvuodaid mállásiid sisdollui, láhkái ja haddái váldimiin vuhtii smávva gieldda málesmeriid ja maid boaittus sajádagas gártet viehka alla logistihkka goasttádusat. Guktuide fitnodatserviide searvama várás galgá investeret fitnodatsearvvi vuodđudanoaiveopmodahkii árvvu mielde sullii 15.000 euro sturrosaš álgoaiveopmodaga, mii gullá jagi 2023 gieldda doaibma-

Gielddaráđdehus	§ 8	17.01.2022
Gielddaráđdehus	§ 168	17.10.2022
Váldostivra	§ 54	27.10.2022
Gielddaráđdehus		28.11.2022

ja ekonomijaplánii. Goasttádusat dárkkálmuvvet osolažžan searvama maŋŋá, go lea dieđus fitnodatservviid osolaččaid loahpalaš lohku ja ossosiid juohkáseapmi.

Siidomateriálan fitnodatservviid veardádallan, guktuid fitnodatservviid searvansoahpamušat ja maid fitnodatsearveortnega hápmosat ja gielddaid gaskaboddasaš cealkámuš in-house fitnodatsearvvi ossosiid juohkáseamis

Evttohus:

Addojuvvo čoahkkimis.

Čoahkkimis addon evttohus:

Gielddaráđdehus evttoha váldostivrii, ahte Ohcejoga gielda vuolgá mielde Pohjois-Lapin Ruoka Oy nammasaš fitnodahkii, man Soađegili gielda lea vuodđudan.

Mearrádus:

Čoahkkimis addon evttohus dohkkehuvvui.

Boddu dmu 13.52-13.58. Bottu maŋŋá ságadoalli gávnnašii, ahte buohkat, geat ledje mielde álgoálgosaš nammačuorvumis, leat mielde čoahkkimis.

Váld 27.10.2022 § 54

Siidomateriálan fitnodagaid veardádallan, guktuid fitnodagaid searvansoahpamušat ja fitnodatortnega hápmosat ja gielddaid vuodušteaddji cealkámuš in-house fitnodaga ossosiid juohkáseamis.

Evttohus:

Váldostivra mearrida, ahte Ohcejoga gielda vuolgá mielde Pohjois-Lapin Ruoka Oy nammasaš fitnodahkii, man Soađegili gielda lea vuodđudan.

Mearrádus:

Evttohus dohkkehuvvui.

Gr

Ohcejoga váldostivra lea mearridan 27.10.2022 ahte Ohcejoga gielda searvá Pohjois-Lapin Ruoka Oy nammasaš in-house-

Gielddaráđdehus	§ 8	17.01.2022
Gielddaráđdehus	§ 168	17.10.2022
Váldostivra	§ 54	27.10.2022
Gielddaráđdehus		28.11.2022

fitnodahkii, man Soađegili gielda lea vuodđudan. Fitnodaga válmmaštallanbarggut leat joatkašuvvan ja fitnodaga searvansoahpamuš, fitnodatortnet ja oasusfálaldaga eavttut ja bargiid sirdinsoahpamuš leat dárkkálmuvvan. Fitnodaga válmmaštallanbargu joatkašuvvá ain ja Pohjois-Lapin Ruoka Oy ja Ohcejoga gieldda gaskasaš bálvalussoahpamuš lea maidái boadi boadi.

Pohjois-Lapin Ruoka Oy fitnodahkii leat searvamin osolažžan gielddain: Soađegili, Anár, Ohcejohka, Savukoski ja Pelkosenniemi. Maidái Lappi buresveadjinguovllu guovlluhálddahussii lea dahkon ovdanbuktojumi fitnodaga osolažžan searvamis. Pohjois-Lapin Ruoka Oy oamastusossodaga juohkin lea plánejuvnon ná: Soađegili 30 %, Anár 30 % Lappi buresveadjinguovlu 20 %, Ohcejohka 10 %, Savukoski 5 % ja Pelkosenniemi 5 %. Ohcejoga gielddas lea okta stivrabáiki fitnodaga stivrras.

Gieldda máksooassi Soađegili gieldda vuodđudan Pohjois-Lapin Ruoka Oy fitnodatsearvvi oasuskapitálas lea dárkkálmuvvamin sullii 20.000 euroi. Máksooasit berrojuvvojit lahttogielddain juovlamánus 2022.

Evttohus:

Gielddaráđdehus dohkkeha ja evttoha ain váldostivrii dohkkehanláhkaí ođasmahtton hápmosiid Pohjois-Lapin Ruoka Oy fitnodaga searvansoahpamušas, fitnodatortnegis ja oasusfálaldaga eavttuin ja bargiid sirdinsoahpamušas ja fápmuda gielddahoavdda gárvvistit lohppii ja vuolláičállit Ohcejoga gieldda beales ovddabealde máinnašuvvon fitnodahkii searvama áššegirjjiid ja dahkat bálvalussoahpamuša.

Gielddaráđdehus dohkkeha ja evttoha ain váldostivrii dohkkehanláhkaí lassemearreruđa sullii 20.000 euro jahká 2022 Pohjois-Lapin Ruoka Oy ossosiid lotnuma várás.

Gielddaráđdehus dohkkeha ja evttoha ain váldostivrii dohkkehanláhkaí ahte gielddahoavda nammaduvvo Ohcejoga gieldda ovddasteaddjin fitnodaga stivrii.

Mearrádus:

Juohkin

Váldostivra

192

Jagi 2023 válggaid jienastanguovlluid válgabeaivvi jienastanbáikkít

69/00.00.00/2022

Gr

Gielddaráđdehus berre buriin áiggiin mearridit jienastanguovlluid válgabeaivvi jienastanbáikkiid. Jienastanguovlojuohku ii leat rievdaduvvon ovddit válggaid maŋŋá, nu ahte gielda lea juhkkon golmma jienastanguvlui.

Evttohus:

Gielddaráđdehus mearrida, ahte jagi 2023 válggaid válgabeaivvi jienastanbáikkít leat seammát go ovddit válggainge:

Jienastanguovlu 002 Vuovdaguoika
Gáregasnjárgga mánggadoaimmadállu
99950 Gáregasnjárga

Jienastanguovlu 003 Girkosiida váldovásttolaš
Gielddadállu jienastanguovlu
Luossa 1 a
99980 Ohcejohka

Jienastanguovlu 004 Njuorggán
Njuorggáma mánggadoaimmadállu
99990 Njuorggán

Ohcejoga gieldda guovddášválgalávdegotti oktavuođadieđut leat:

Ohcejoga gieldda guovddášválgalávdegoddi
Uksačujuhus: Poastačujuhus:
Gielddadállu PL 41
Luossa 1 a 99981 Utsjoki
99980 Ohcejohka
tel. 040-188 6111

Mearrádus:

Juohkin

Guovddášválgalávdegoddi

193

Riikkabeaiválggaid ovdajienastanbáikkiid meari, sajádaga ja rabasáiggiid mearrideapmi

69/00.00.00/2022

Gr

Gielddat, main eai leat poastakontorat, sáhttet ordnet ovdajienasteami iežaset virgedoaimmahagain ja eará doaimmabáikkiineaset, mat leat ovdamearkka dihte gielddadállu, girjerádjju, skuvllat ja oktasašbálvalusčuoggát, dahje háhkamiin bálvalusa eará luohtehahtti sajis.

Riikkabeaiválggaid ovdajienasteapmi lea áigodagas 22.–28.3.2023 árgabeivviid dmu 8.00-20.00 sihke lávvardagaid ja sotnabeivviid dmu 10.00-16.00. Válgalága mielde gielddaráđđehus mearrida ovdajienasteami ollašuhttimis.

Evttohus:

Gielddaráđđehus mearrida, ahte ovdajienastanbáikkid leat gielddas golbma ja dat dollojit rabas čuovvovaččat:

Gielddadállu
Váldostivrasále
99980 Ohcejohka
tel. 040 188 6111
22.3.2023 dmu 12.00-17.00
23.3.2023 dmu 12.00-17.00
28.3.2023 dmu 10.00-14.00

Gáregasnjárgga mánggadoaimmadállu
Mánggadoaimmasadi
99950 Gáregasnjárga
tel. 040 181 0252
24.3.2023 dmu 15.00-19.00
25.3.2023 dmu 10.00-14.00

Njuorggáma mánggadoaimmadállu
Mánggadoaimmasadi
99990 Njuorggán
tel. 040 181 0254
27.3.2023 dmu 15.00-19.00

Ovdajienasteapmi lágádusas sihke ruoktojenasteapmi doaimmahuvvojit sierra almmuhuvvon áigge.

Mearrádus:

Juohkin

Guovddášválgalávdegoddi

Giieldaráđđehus
Giieldaráđđehus

§ 156

05.09.2022
28.11.2022

194

Bušeahtta jahkái 2023 ja ekonomiiaplánat jagiide 2024-2025

53/02.02.00/2022

Gr 05.09.2022 § 156

Giieldalága 110 § mielde "Váldostivra galgá jagi loahpa rádjai dohkkehit gildii čuovvovaš kaleandarjahkái bušeahta nu, ahte váldá vuhtii giieldakonseartna ekonomiija ovddasvástádusaid ja geatnegasvuodaid. Dan dohkkeheami oktavuodas váldostivra berre dohkkehit maiddái bušeahta golmma jahkái dahje guhkit áigái (plánabadji). Bušeahttajahki lea ekonomiiaplána vuosttas jahki.

Bušeahta ja ekonomiiaplána galgá ráhkadit nu, ahte dat ollašuhttet gieldestategiija ja dorvvastit gieldda bargguid dikšuma eavttuid. Bušeahtas ja ekonomiiaplánas dohkkehuvvojit gieldda ja giieldakonseartna doaimma ja ekonomiija ulbmilat.

Ekonomiiaplána galgá leat dássedeattus dahje badjebázalaš. Gieldda balánsii čoggon vuollebáza galgá gokčat eanemustá njealji jagi áigge ruhtadoalloloahpahusa čuovvovaš jagi álggu ráje. Gielda galgá bušeahtas mearridit spesifiserejuvvon doaibmabijuin, maiguin vuollebáza gokčojuvvo máinnašuvvon áigodagas.

Bušeahttaárvalussii váldojuvvojit mielde bargguid ja doaimma joksameriid eaktudan mearreruđat ja boadusárvalusat ja das čujuhuvvo, mo ruhtadandárbu gokčojuvvo. Mearreruđat ja boadusárvalusat sáhttet váldot vuhtii brutto- dahje nettomearrin. Bušeahttaárvalusas ja ekonomiiaplánas lea geavahanekonomiija- ja boadusrehkenastinoassi sihke investeren- ja ruhtadanoassi.

Giielda doaimmain ja ruhtadoalus galgá čuovvut bušeahttaárvalusa."

Giielda stivrenjoavku lea dán čavčča áigge válmmaštallan vuodū bušeahta rápman jahkái 2023. Plánema vuodđun lea leamaš dán jagi bušeahtta, bušeahta ollašupmi sihke ovddit jagi ruhtadoalloloahpaheapmi. Maiddái guhkit áigegaskka čuovvun lea dahkkon. Plánemis lea váldojuvvon vuhtii doaibmamii guoski nuppástusat, mat gusket sode-ođastussii. Vearroboadut ja stáhtaossodagat leat árvvoštallon Giieldalihtu borgemánu einnostusa vuodū. Vearroboahito- ja stáhtaossodateinnostusat dárkkálmuvvet vel čavčča áigge.

Plánajagit 2024-2025 gárvvistuvvojit jagi 2023 vuodū nu ahte váldojit vuhtii indeaksabajádusat ja heivvolaš osiid mielde doaibmamii guoski nuppástusat.

Ráma nannema manŋá hálldahusgottit válmmaštallet iežaset

Gielddaráđđehus
Gielddaráđđehus

§ 156

05.09.2022
28.11.2022

bušeahttaárvalusaid ja dat gieđahallojuvvojit lávdegottiin. Dárkilut rehkenastinrávvagat omd. bargoveahkagoluid oasil leat doaimmahuvvon hálddahusgottiide. Lávdegottiid bušeahttaevttohusat vuodustusaiguin, boadus- ja ruhtadanrehkenastin sihke investerenprográmma bukto gielddaráđđehussii skábmamánu loahpa rádjai. Vearroproseanttat jahkái 2023 gieđahallojit skábmamánu völdostivrra čoahkkimis ja ekonomijja- ja doaibmaplána juovlamánu völdostivrra čoahkkimis.

Čoahkkimis ovdanbuktojit gaskaboddasaš árvvoštallamat hálddahusgottiid rápman jahkái 2023, sihke gaskaboddasaš boadus ja ruhtadanrehkenastin. Investerenprográmma birra ságastallo čoahkkimis.

Evttohus:

Gielddaráđđehus nanne gaskaboddosaš bušeahta ráma jahkái 2023 čuovvovaččat:

Gielddaráđđehus

boadut	50.000
manut	925.000
netto	875.000

Čuvgehuslávdegoddi

boadut	1.542.380
manut	5.161.830
netto	3.619.450

Teknikkalaš lávdegoddi

boadut	1.308.500
manut	1.880.705
netto	572.205

Ealáhuslávdegoddi

boadut	490.669
manut	980.097
netto	489.428

Oktiibuot

boadut	3.391.549
manut	8.947.632
netto	5.556.083

Mearrádus:

Evttohus dohkkehuvvui.

Gielddaráđđehus
Gielddaráđđehus

§ 156

05.09.2022
28.11.2022

Gr

Gielddahoavda ja hálddahushoavddat ovdanbuktet
bušeahttaevttohusa.

Evttohus:

Gielddaráđđehus dohkkeha bušeahta jahkái 2023 sihke
ekonomiijaplánaid jagiide 2024-2025 ja evttoha daid ain váldostivrii
dohkkehanláhkaí.

Mearrádus:

Čuvvosat

Čuovus Bušeahtta jahkái 2023 ja ekonomiijaplánat jagiide 2024-
2 2025

Juohkin

Váldostivra

195

Ohcejoga gieldda hálddahunjuolggadusa ođasmahttin

22/01.00/2020

Gr

Ohcejoga gieldda hálddahunjuolggadus meroštallá gieldda hálddahusa ja doaimma ordnema sihke mearrádusdahkan- ja čoahkkinmeannudanvugiid, jos lágas ii leat nuppeláhkai mearriduvvon. Gieldda ovddit hálddahunjuolggadus lea dohkkehuvvon váldostivrras 19.6.2017.

Gieldda hálddahunjuolggadusa galgá ođasmahttit, go gieldda organisašuvdna rievdá sode-bálvalusaid ordnenovddasvástádusa sirdásettiin buresveadjinguvlui. Seammás ovdalis dán jagi gielddas mearriduvvon organisašuvdnanuppástusat biddjojuvvojit áiggi dássái hálddahunjuolggadussii. Lassin hálddahunjuolggadussii evttohuvvojit dárbbášlaš ođastusat, mat laktásit doaibmamii sihke gieldda organisašuvdnii, sihke ođasmahttojit njunušvirgeolbmuid virgenamahusat. Oaivilin lea ahte ođđa hálddahunjuolggadus bohtá fápmui 1.1.2023.

Guovddáš nuppástusat hálddahunjuolggadussii leat:

1. Vuodđodorvolávdegotti heaittiheapmi

Go sode-bálvalusaid ordnenovddasvástádus sirdása 1.1.2023 gielddas Lappi buresveadjinguvlui, de gielddas ii leat šat dárbu vuodđodorvolávdegoddái. Muhtun ovttaskas barggut, main dálá vuodđodorvolávdegoddi vástida ja mat báhcet gieldda ovddasvástádusa vuollái, sirdojuvvojit eallinfápmo- ja teknikkalaš lávdegotti ovddasvástádusa vuollái. Gielddas jávká maiddái vuodđodorvohoavdda virgi.

2. Čuvgehusdoaimma sáme- ja suomagielat juhkosiid heaittiheapmi

Gielddastivra lea mearridan 7.4.2022 heaittihit čuvgehusdoaimma giellajuhkosiid ja daid barggut sirdojuvvojit čuvgehuslávdegoddái.

3. Teknikkalaš ja eallinfápmolávdegottiid ovttahttin

Go sode-bálvalusat sirdásit buresveadjinguvlui, de gieldda rolla eallinfámu nannemis bohtá ain čielgasabbot ovdan. Eanapolitihkka, lávvaáššit, viesso- ja giddodatáššit leat nannosit čatnagasas gieldda eallinfámu ja ealáhuspolitihka ovddideapmái. Ohcejoga deaividan fáhkkes ráhkadusnuppástusa čuovvumuššan teknikkalaš ja eallinfápmodoaibmasurggiid oktasaš strategalaš mihttomearit ja njuovžilis oktasašbargu leat gieldda kritihkalaš menestuvvandagaldagat. Goappáge doaibmasuorggi ii sáhte dárkkodit smávva gielddas sierra nubbi nuppis. Danin teknikkalaš ja

eallinfápmodoaibmasuorggi áššiid virgeolbmuidválmmaštallama ja politihkalaš gieđahallama livččii strategalaččat dárbu ovttaštáhttit ovtta ovttaštáhtton lávdegotti ovddasvástádusa vuollái. Ođastus geahppudivččii maid hálldahusa ja beavttálmahtášii resurssaid geavaheami.

Ođastus guoskkašii teknihkalaš ja eallinfápmolávdegottiid ovttaštáhttima oktan eallinfápmo- ja teknihkalaš lávdegoddin, mas livčče 9 lahtu. Teknihkalaš ja eallinfápmodoaibmasuorggit seillošedje iežaset doaibmasuorgin oktan ekonomalaš ovddasvástádusain. Virgeolbmuid ja doaibmaolbmuid barggut eai lávdegottiid ovttaštáhttima geažil rievddaše.

Doaibmasurggiid vejolaš maŋnelaš ovttaštáhttima sáhtta dárbbu mielde árvvoštallat ee. ovttaštáhtton lávdegoddebargamis fitnašuvvan vásáhusaid vuodul jagi 2024 doaibma- ja ekonomiiaplána válmmaštallama oktavuodas.

Evttohus:

Gielddaráđđehus dohkkeha evttohanláhkaí váldostivrii gieldda ođđa hálldahusnjuolggadusa nu ahte dat boadášii fápmui 1.1.2023.

Mearrádus:

Čuvvosat

Čuovus Hálldahusnjuolggadushámuš
3

Juohkin

Váldostivra

196

Ruhtadili birra oanehaččat

Gr

Gullat ruhtadili birra oanehaččat.

Evttohus:

Merkejuvvo diehtun.

Mearrádus:

197

Doaibmaorgánaid mearrádusat

Gr

Lávdegottiid beavdegirjiid berre doaimmahit gielddahovdii njealje beaivve siste beavdegirjii dárkkisteamis. Gielddaráđđehusas lea váldinvuoigatvuohta lávdegottiid, iežas juhkosa sihke vuollásaš stivrri ja virgeolbmo mearrádusaide. Váldinmearrádusa sáhtta dahkat gielddaráđđehus dahje dan ságadoalli, gielddahoavda dahje stivrennjuolggadusas mearriduvvon virgeolmmoš. Váldinvuoigatvuođa galgá geavahit manjmušta njulgengáibádusáiggi siste. Geavadis gielddahoavda manná lávdegottiid mearrádusaid čađa. Go gielddaráđđehus váldá beali váldinvuoigatvuođa geavaheapmái, merkejuvvojit dasa doaimmahuvvon beavdegirjiit diehtun ja seammás mearriduvvo, ahte váldinvuoigatvuohta ii geavahuvvo beavdegirjiid sisdollui gullevaš áššiin. Beavdegirjiid kopijiat eai laktojuvvo gielddaráđđehusa beavdegirjai, muhto dat galget leat lahtuid geavaheamis gielddaráđđehusa čoahkkimiin.

Čuovvovaš doaibmaorgánaid beavdegirjiit leat oaidnimis čoahkkinbáikkis:

Teknihkalaš lávdegoddi 11.10.2022, teknikkalaš lávdegoddi 8.11.2022, eallinfápmolávdegoddi 10.11.2022, vuodđodorvolávdegoddi 16.11.2022 ja čuvgehuslávdegoddi 17.11.2022.

Evttohus:

Gielddaráđđehus merke diehtun doaibmaorgánaid dahkan mearrádusaid ja gávnaha, ahte GiellaL 51 § mielásaš váldinvuoigatvuohta ii leat geavahuvvon.

Mearrádus:

198

Áššit diehtun

Gr

Evttohus:

Gielddaráđdehus merke, ahte lea ožžon diehtun čuovvovaš áššebáhpáriid:

Kuntaliitto

- Jagi 2023 riikkabeaiválggat
- Kopiosto čuovgakopierensoahpamuš 2023-2025

Kuntatyöntajat

- SOTE ry ja KT gaskasaš bargoriiddu čoavdima várás dahkkon soabadanevttohusa čuovvun gielda- ja buresveadjinsuorggis, Gielda- ja buresveadjinsuorggi bargo- ja virgeeaktosoahpamušaid heivehit maid SOTE ry lahtuide 1.5.2022 rájes

Lappi buresveadjinbire

- Buresveadjinguovllu guovlluhálddahuš; Beavdegirjji válddus 9.11.2022 § 350 Biebmobálvalusaid ordnen Lappi buresveadjinguovllus
- Buresveadjinguovllu guovlluhálddahuš; Beavdegirjji válddus 9.11.2022 § 351 Buresveadjinguovlostrategiija

Museovirasto

- Dološmuitolága (295/1963) 11 §:s meroštallon giddes dološbázahasa lihkahallan

Sosiála- ja dearvvasvuodaministeriija

- Bálvalusvuogádaga ráhkkaneapmi elrávdnjeboatkkaide dálvebajis 2022-2023

Stáhtaruhtaministeriija

- Gielddaid árvvoštallanvuloš stáhtaossodaga bajideami juolludeapmi jagi 2022

Mearrádus: